



SLUŽBENI GLASNIK OPĆINE ŽIVINICE

GODINA LI

23. JUNI 2015.GODINE

BROJ 9

Na osnovu člana.43. Zakona o vodama (Sl.novine TK br.11/08), člana 24. Statuta općine Živinice-prečišćeni tekst („Sl.glasnik općine Živinice“ br.4/12.), Općinsko vijeće na sjednici održanoj 13.05.2015.godine, d o n o s i

ODLUKU

O izgradnji,korištenju,zaštiti,održavanju i upravljanju mjesnim vodovodima,javnim bunarima i javnim česmama

I – OPĆE ODREDBE

Član 1.

Ovom Odlukom utvrđuju se način i uslovi snadbjevanja vodom za piće, način i uslovi izgradnje, zaštite voda, korištenje,dodatnog priključenja,održavanje i upravljanje mjesnim vodovodima, javnim bunarima i javnim česmama, te propisane kazne za prekršioce odredaba odluke.

Član 2.

Mjesni vodovod je vodni objekat za snadbjevanje vodom za piće naselja izvan gradskog odnosno općinskog centra.

Pod mjesnim vodovodom iz stava 1.ovog člana se smatra i vodni objekat za snadbjevanje vodom za piće vikend naselja.

U smislu ove Odluke za iskorištavanje voda su objekti za vodosnadbjevanje (izuzev za opću upotrebu voda) smatraju se svi objekti za zahvat vode,bunari,kaptaže s odgovarajućom opremom,uređaji za prečišćavanje vode za piće,rezervoari,vodna mreža kojom se raspoređuje voda potrošačima na području mjesnih zajednica.

Član 3.

Kućnim vodnim instalacijama u smislu ove Odluke smatraju se uređaji kod potrošača iza vodomjera ili iza glavnog ventila,koji služe za snadbjevanje pijaćom vodom iz mjesnog vodovoda.

Sopstvenim uređajima za snadbjevanje vodom smatraju se samostalni vodovodni uređaji koji služe samo za sopstveno snadbjevanje vodom(vlastiti bunar,kaptaže i sl.).

Član 4.

Održavanje, rekonstrukciju i izgradnju mjesnih vodovodnih uređaja Općina povjerava pravnom licu ili mjesnoj zajednici. Udruženje Građana po ovoj odluci smatrat će se pravnim licem.

Snadbjevanje vodom na području mjesnih zajednica Općina organizuje putem pravnog lica ili mjesne zajednice.

Član 5.

Izgrađene javne vodovodne uređaje na području mjesnih zajednica, općina predaje na korištenje i upravljanje pravnom licu u skladu sa propisima o komunalnoj djelatnosti i Zakonu o vodama TK.

Izuzetno od stava 1.ovog člana,mjesne vodovode koji služe na snadbjevanje vodom za piće do 500 stanovnika,općina svojom odlukom može povjeriti mjesnoj zajednici

II UPRAVLJANJE VODOVODIMA U MJESNOJ ZAJEDNICI**Član 6.**

Vodne objekte za snadbjevanje vodom mjesnih zajednica iz člana 2.ove Odluke općina svojom odlukom povjerava na upravljanje i korištenje pravnom licu ili mjesnoj zajednici u skladu sa propisima o komunalnoj djelatnosti i Zakona o vodama TK.

Sastavni dio Ugovora će sadržavati i prava i obaveze pravnog lica ili Mjesne zajednice i korisnika vodovoda sa visinom priključne takse i drugih uslova koji se definišu.

Član 6a.

Mjesne zajednice su dužne organizovati građane korisnike vodovoda u Udruženje Građana ili drugo pravno lice, izuzetno ukoliko građani korisnici ne žele organizovati Udruženje građana ili drugo pravno lice, Općina može upravljanje mjesnim vodovodom povjeriti i Mjesnoj zajednici.

Član 7.

Vodni objekti za snadbjevanje koje su za svoje potrebe izgradila pravna ili fizička lica,u njihovom vlasništvu i ona brinu o upravljanju tim objektima i isti moraju imati koncesiju shodno Zakonu o koncesijama.

Član 8

U obezbjeđenju snadbjevanja vodom mjesnih zajednica mora se voditi računa o potrebama stanovništva,a u skladu sa politikom izraženom u društvenim i drugim planovima mjesne zajednice.

Član 9.

Stanovništvo može objekte za vodosnabdijevanje a koji su definisani članom 2.ove Odluke i vodu koja je njima zahvaćena iskorištavati,odnosno upotrebljavati pod uslovima određenim Zakonom i propisima donijetim na osnovu Zakona,kao i pod uslovima utvrđenim općim aktom pravnog lica ili mjesne zajednice kojim je povjereno upravljanjem vodovodima na području mjesnih zajednica i na način predviđen Ugovorom o povjeravanju.

Član 10.

Pravno lice ili mjesna zajednica kome je povjereno upravljanje mjesnim vodovodima odgovara za pravilnu primjenu svih propisa i tehničkih mjera kojima se dostiže propisni kvalitet vode iz vodovoda. Pravno lice ili Mjesna zajednica je dužna organizovati kontinuirano, a minimalno jednom mjesečno analizu kvaliteta vode u smislu fizičko-hemijske i mikrobiološke ispravnosti od strane nadležnih institucija. Kopije nalaza dostaviti blagovremeno nadležnoj inspekcijskoj službi.

Član 10a.

Nadležna inspekcijaska Služba izradit će pismeno Uputstvo o načinu upravljanja, kontroli i odgovornosti odgovornih lica.

Član 11.

U pogledu ispunjavanja higijenskih uslova vode za piće, pravno lice ili mjesna zajednica kome je povjereno upravljanje vodovodima dužno je da preuzima stalni i sistematski pregled vode i da preduzima propisane higijensko-zdravstvene mjere ispravnosti vode za piće i tehničke ispravnosti mjesnog vodovoda.

Član 12.

Visinu naknade za korištenje vode utvrđuje pravno lice ili mjesna zajednica u skladu sa zakonskim propisima o formiranju komunalnih usluga, koju verifikuje Općinsko vijeće općine Živinice.

Osnov za obračun utrošene vode dijeljen sa brojem članova domaćinstva, podstanara i sl.

Član 13.

Prilikom izgradnje, odnosno rekonstrukcije vodovodne mreže, polaganje vodovodnih cijevi je dozvoljeno samo na odstojanju do najmanje 50 cm iznad kanalizacione cijevi.

Član 14.

U cilju zaštite vodovodnih uređaja iz člana 2. ove Odluke, svi investitori su obavezni prilikom izgradnje objekata infrastrukture koji se dodiruju ili ukrštaju sa postojećim vodovodnim uređajima pribaviti saglasnost pravnog lica ili mjesne zajednice kome je povjereno upravljanje vodovodima, koja će biti sastavni dio dokumentacije koja se obezbjeđuje u postupku izdavanja urbanističke saglasnosti, odnosno odobrenja za građenje u smislu odredaba zakona o prostornom uređenju, kao i pod uslovima koji su određeni u izdatoj vodnoj saglasnosti.

Po izvršenoj izgradnji ili rekonstrukciji mjesnog vodovoda i javnog bunara, a prije izdavanja odobrenja za upotrebu, pribavlja se vodna dozvola.

Uz zahtjev za izdavanje vodne dozvole podnosi se i pismeni ugovor o održavanju i iskorištavanju mjesnog vodovoda ili bunara i regulisanju svih drugih pitanja od značaja za vodovod ili bunar. Ugovor potpisuju svi investitori objekta i ovjerava ga kod nadležnog organa, a jedan primjerak tog ugovora se dostavlja i općinskoj upravi.

Član 15.

Naknada štete koja nastane upotrebom vode i korištenjem vodovoda raspraviće se po pravnim pravilima imovinskog prava.

Nanesenu štetu na objektima za vodosnabdijevanje ili štete koje su nastale usljed korištenja vodnih objekata snosit će pravno lice ili mjesna zajednica, odnosno fizičko lice koje upravlja objektima za vodosnabdijevanje.

III – SNADBJEVANJE VODOM I ODRŽAVANJE VODOVODA

Član 16.

U snadbjevanju vodom i održavanju javnog vodovoda, nad sredstva primljenim na upravljanje i korištenje u pravnom licu ili mjesnoj zajednici kome je povjereno upravljanje vodovodima ima prava i dužnosti:

- Da vrši svaku opravku i opremu na vodovodnim spojevima bez saglasnosti korisnika,
- Da o svom trošku blagovremeno opravla i održava javne vodovodne uređaje iz člana 2.stav 1,
- Da odgovara za ispravnost i kontrolira higijensku ispravnost vode,

Izuzetno u slučaju više sile, preduzeće kome je povjereno upravljanje vodovodima ne odgovara za obaveze iz predhodnog stava.

Član 17.

Pravno lice ili mjesna zajednica kome je povjereno upravljanje vodovodima je obavezno da obezbijedi potrošačima dovoljne količine vode neprekidno danju i noću.

Obaveza iz predhodnog stava može prestati u slučaju više sile (poplave, suše, zemljotresa itd.), većih tehničkih smetnji u pogonu ili mreži, kao i u slučaju prekida u snadbjevanju pogonskom energijom. U ovakvim slučajevima pravno lice ili mjesna zajednica kome je povjereno upravljanje vodovodima dužno je da obavijesti potrošače o prekidu snadbjevanja vodom putem medija ili direktno.

Ako do prekida snadbjevanja vodom dođe iz bilo kojeg razloga, pravno lice ili mjesna zajednica kome je povjereno upravljanje vodovodima dužno je da preduzme sve potrebne mjere za brzo otklanjanje smetnji radi snadbjevanja vodom.

U slučaju nemogućnosti snadbjevanja vodom zbog rekonstrukcije ili većih opravki, pravno lice ili mjesna zajednica kome je povjereno upravljanje vodovodima dužno je najmanje tri dana ranije obavijestiti potrošače o prekidu snadbjevanja vodom.

Član 18.

Kaptaže i rezervoari koji su u smislu Zakona o vodama sastavni dijelovi mjesnog vodovoda, a koji služe za prihvatanje i akumuliranje vode za piće, moraju imati propisne izolacije i potrebne uređaje.

Kapacitet rezervoara mjesnog vodovoda treba da obezbijedi dovoljnu količinu vode za dnevnu potrošnju korisnika i rezervu za gašenje požara.

Mjesni vodovod mora imati ugrađen i propisno baždaren uređaj za mjerenje količina iskorištene vode na odvodu iz rezervoara, a ako ima više odvoda iz rezervoara, na svakom odvodu.

Član 19.

U slučaju veće nestašice vode ili drugih teškoća u snadbjevanju vodom, pravno lice ili mjesna zajednica kome je povjereno upravljanje vodovodima je dužno da preduzme tehničke mjere za ograničenje potrošnje.

Prioritet u snadbjevanju vodom u slučajevima iz stava 1. imaju , ambulante i apoteke

Član 20.

Pravno lice ili mjesna zajednica kome je povjereno upravljanje vodovodima dužno je da redovno hloriše vodu putem hlorinatora i da svakodnevno vrši kontrolu rezidualnog hlora u vodi iz vodovoda.

U svim istočistima dozvoljena količina hlora na jednu litru vode ne može biti manja od 0,1mg niti veća od 0,3 mg.

Član 21.

Pravno lice ili mjesna zajednica kome je povjereno upravljanje vodovodima dužno je da gradi javne česme i da se stara o njihovom održavanju na mjestima na kojima se stanovnici mjesne zajednice na druge načine ne mogu snadbjevati vodom.

Javna česma je vodni objekat za snadbjevanje vodom za piće sa odgovarajućom zaštitnom zonom i odgovarajućim uređajima koja služi za snadbjevanje stanovnika vodom za piće.

Javna česma mora imati odvodni kanal i odgovarati higijensko-tehničkim propisima.

Korištenje vode sa javnih česmi i staranje o istima utvrđuje se ugovorom sa licem koga odredi mjesna zajednica ,odnosno grupa potrošača.

Član 22.

Javni bunar je vodni objekat za snadbjevanje vodom za piće sa odgovarajućom zaštitnom zonom i odgovarajućim uređajima, koji služi za snadbjevanje vodom za piće najmanje dva domaćinstva.

Vlasnici javnog bunara i javne česme dužni su da obezbijede finansijska sredstva i organizacione usluge za održavanje javnog bunara i javne česme, troškove minimalnog broja propisanih pregleda zdravstvene ispravnosti vode za piće, te da izvršavaju druge obaveze propisane zakonom i ovom Odlukom.

Zabranjeno je na javnim bunarima i javnim česmama pranje rublja, kupanje, napajenje stoke, pranje motornih vozila i drugih vozila, što bi moglo ugroziti zdravstvenu ispravnost vode za piće, odnosno oštećenje instalacija i uređaja javnih česmi i javnih bunara.

Član 23.

Kvar i štetu na priključku i u vodomjernom oknu, potrošač je dužan prijaviti pravnom licu ili mjesnoj zajednici kome je povjereno upravljanje vodovodima, a ono je dužno da blagovremeno preduzme mjere radi otklanjanja kvara, odnosno štete.

U slučaju spora u pogledu krivice ili nepažnje spor ne odlaže izvršenje radova.

Član 24.

Mjesto šahta za vodomjer i profil vodomjera za svaki priključak određuje pravno lice ili mjesna zajednica kome je povjereno upravljanje vodovodima prilikom izdavanja saglasnosti za priključak, a sve u skladu sa Zakonom o prostornom uređenju.

U slučaju spora o mjestu šahta za vodomjer i profilu vodomjera, spor se rješava pred nadležnim sudom.

Vodomjer mora biti smješten u šahtu koji je zaštićen neodvojivim poklopcem od šahta.

U pravilu, šaht se nalazi izvan objekta, a izuzetno se može nalaziti i u objektu na pristupačnom mjestu radi nesmetanog čitanja potrošnje vode i vršenja opravki vodomjera.

Pristup do šahta vodomjera mora biti slobodan.

Član 25.

Šaht za vodomjer mora biti čist, suh a vodomjer dobro zaštićen od zamrzavanja, toplote i od uticaja podzemne i površinske vode, kao i od mehaničkog oštećenja.

Član 26.

Potrošač ima pravo da traži da se ispita ispravnost vodomjera. Svoj zahtjev mora pismeno dostaviti kome je povjereno upravljanje vodovodima.

Ako se kontrolom ustanovi da vodomjer odgovara propisima, potrošač snosi sve troškove koji su nastali u vezi sa njegovim zahtjevom. U protivnom slučaju, troškovi i naknada štete padaju na teret pravnog lica ili mjesne zajednice kome je povjereno upravljanje vodovodima.

IV – KORIŠTENJE VODOVODA

Član 27.

Poslije puštanja u rad mjesnog vodovoda, vlasnik, odnosno korisnik stambene ili poslovne zgrade mora se priključiti na vodovodnu mrežu u roku od 6 mjeseci od dana puštanja u rad vodovodne mreže.

Član 28.

Pravno lice ili mjesna zajednica kome je povjereno na upravljanje vodovodima izdaje saglasnost i vrši priključivanje objekta na vodovodnu mrežu pod uslovom da potrošač posjeduje odobrenje za gradnju objekta. Radove na priključku, poslije dobijenog odobrenja za priključak, investitor može povjeriti trćem licu uz saglasnost pravnog lica ili mjesne zajednice kome je povjereno upravljanje vodovodima. Tehnički pregled izvedenih radova na priključku može izvršiti samo pravno lice ili mjesana zajednica kome je povjereno upravljanje vodovodima.

U slučaju iz predhodnog stava pravno lice ili mjesna zajednica kome je povjereno upravljanje vodovodima izdaće saglasnost o puštanju priključka u upotrebu.

Pravno lice ili mjesna zajednica kome je povjereno upravljanje vodovodima dužno je da obezbijedi sve potrebne uslove za priključak na vodovodnu mrežu (rješavanje imovinskih odnosa, građevinskih radova, naknada štete i dr.) stim što će se vrijednost eventualne štete ukalkulisati korisniku u cijenu priključka.

Član 29.

Svaki objekat koji se snadbjeva vodom iz javnog vodovoda mora imati zasebni priključak. Priključak počinje od spoja s uličnom vodovodnom cijevi ili cijevi sekundarne mreže u stambenoj izgradnji, a završava se u šahtu s ventilima iza vodomjera.

Izuzetno, ukoliko se u zgradi pored stambenih prostorija nalaze i poslovne prostorije, za poslovne prostorije mora se ugraditi poseban priključak sa vodomjerom.

Član 30.

Zabranjeno je spajanje sopstvenih uređaja za snadbjevanje vodom s javnim vodovodnim uređajima.

Član 31.

Potrošnja vode mjeri se po vodomjerom, a samo izuzetno po procjeni ili po drugim kriterijima koji su propisani općim aktom pravnog lica ili mjesne zajednice kome je povjereno upravljanje vodovodima.

U slučajevima kojim se utvrđuje količine utrošene vode vrši se po procjeni ili po drugim kriterijima, pravno lice ili mjesna zajednica kome je povjereno upravljanje vodovodima određuje svojim aktom.

Član 32.

Potrošač može otkazati trošenje vode i pod uslovima propisanim općim aktom pravnog lica ili mjesne zajednice kome je povjereno upravljanje vodovodima.

Član 33.

Obavještenja i računi za potrošnju vode dostavljaju se potrošaču poslije posljednjeg čitanja vodomjera.

Član 34.

Potrošnja vode javnim česmama mjeri se vodomjerom, a utrošenu vodu plaćaju potrošači koji se njome koriste, i koji su podnijeli zahtjev za otvaranje česme.

Član 35.

Čitanje vodomjera vrši se, po pravilu u stalnim vremenskim razmacima predviđenim općim aktom pravnog lica ili mjesne zajednice kome je povjereno upravljanje vodovodima.

Vodomjer čitaju ovlašteni radnici pravnog lica ili mjesne zajednice kome je povjereno upravljanje vodovodima.

Potrošač je dužan da omogući čitanje vodomjera. Ako zbog propusta potrošača, čitač vodomjera ne bude mogao da izvrši čitanje vodomjera, čitač vodomjera je dužan da ostavi pismenu opomenu u kojoj će se naznačiti dan i čas naknadnog čitanja vodomjera. Ako ni tada ne bude mogao čitati vodomjer, utrošak vode će se procijeniti na način propisan općim aktom pravnog lica ili mjesne zajednice, a tačan obračun izvršit će se sljedećem redovnom čitanju.

Član 36.

Potrošnja vode se ne plaća:

- Za gašenje požara iz kućne vodovodne instalacije,
- Ako je voda istekla zbog greške na vodomjeru ili njegovim armaturama, osim u slučaju ako je do kvara došlo krivicom potrošača.

U slučaju iz tačke 2.predhodnog stava,utrošak vode se procjenjuje na osnovu prosječnog utroška vode za vrijeme predviđeno općim aktom pravnog lica ili mjesne zajednice kome je povjereno upravljanje vodovodima.

U slučajevima iz tačke 1.i 2. stav 1. potrošač je dužan da obavijesti pravno lice ili mjesnu zajednicu kome je povjereno upravljanje vodovodima u roku utvrđenim općim aktom pravnog lica ili mjesne zajednice.

Član 37.

Pravno lice ili mjesna zajednica kome je povjereno upravljanje vodovodima ima isključivo pravo i dužnost otvaranja i zatvaranja vode na vodovodnim uređajima.

Izuzetno,korisnik može zatvoriti ventil u šahtu vodomjera u slučaju kvara ili opravke na kućnoj instalaciji,a otvoriti samo u slučaju požara.

Član 38.

Preduzeće kome je povjereno upravljanje vodovodima ima pravo da zatvori vodu u slučajevima predviđenim članom 15. stav 4 .ove Odluke.

Član 39.

Vlasnik,odnosno korisnik ili izvođač objekta,dužan je da prije puštanja vode za upotrebu u objekat obezbijedi atest o ispitivanju instalacijija na pritisak i dezinfekciju kućnih instalacija radi sprečavanja zagađenja vode.

Atest o ispravnosti kućnih instalacija izdaje izvođač radova ili drugo ovlašteno pravno,odnosno fizičko lice.

Dezinfekciju kućnih instalacija vrši pravno lice ili mjesna zajednica kome je povjereno upravljanje vodovodima o trošku vlasnika,odnosno korisnika ili izvođača objekta.

Član 40.

Zabranjeno je korištenje vodovodnih instalacija kao uzemljenje za električna postrojenja i naprave.

Član 41.

Zabranjeno je samovoljno priključivanje na vodovodnu mrežu.

Pravno lice ili mjesna zajednica kome je povjereno upravljanje vodovodima će svakog potrošača koji se samovoljno priključi na vodovodnu mrežu isključiti iz mreže odmah po saznanju o samovoljnom priključivanju uz prisustvo nadležnog općinskog organa i policijske uprave.

Takođe ,iste radnje će biti sankcionisane od strane nadležnog općinskog organa

Član 42.

Zabranjeno je spajanje na priključak ispred vodomjera.

Član 43.

U slučaju kvara na vodovodnoj mreži, pravno lice ili mjesna zajednica kome je povjereno upravljanje vodovodima dužno je odmah po saznanju da izvrši opravku i sanaciju iste.

Član 44.

Vodoopskrbni objekti moraju biti ograđeni i zaštićeni od pristupa stoke.
Zabranjeno je pojenje stoke na vodoopskrbnim objektima iz kojih se upotrebljava voda za piće.

Član 45.

Odredbе ove Odluke kojima se utvrđuju prava i obaveze pravnog lica ili mjesne zajednice kome je povjereno upravljanje vodovodima shodno se primjenjuju i na organe i organizacije koje te uređaje održavaju kao svoje osnovno sredstvo.

V-EVIDENCIJA O MJESNIM VODOVODIMA; JAVNIM BUNARIMA I JAVNIM ČESMAMA**Član 46.**

Nadležna općinska služba dužna je da ustroji u roku od 90 dana od dana stupanja na snagu ove Odluke evidenciju o mjesnim vodovodima, javnim bunarima i javnim česmama, kao i da tu evidenciju trajno vodi, te da blagovremeno registruje sve promjene vezane za mjesne vodovode, javne bunara i javne česme.

Član 47.

Evidencija iz predhodnog člana naročito sadrži podatke o:

- nazivu mjesnog vodovoda ili javnog bunara,
- naselju, odnosno mjesnoj zajednici,
- broju i datumu izdavanja vodoprivredne saglasnosti,
- broju i datumu izdavanja odobrenja za građenje,
- broju i datumu izdavanja vodoprivredne dozvole,
- broju i datumu izdavanja upotrebne dozvole
- broju i datumu izdavanja sanitarne saglasnosti
- broju domaćinstava koja koriste mjesni vodovod, odnosno javni bunar
- broju naknadno priključenih domaćinstava na mjesni vodovod.

V- MJERE ZA PROVOĐENJE OVE ODLUKE**Član 48.**

Inspeksijski nadzor nad sprovođenjem odredaba ove Odluke vrši komunalna i sanitarna inspekcija svaka iz svoje nadležnosti, a pomažu im komunalni redari.

Član 49.

U vršenju inspekcijskog nadzora inspekcija je ovlaštena da:

- nadzire primjene ove Odluke
- naredi obavljanje radova ako pregledom utvrdi da se oni ne obavljaju u skladu sa odredbama ove Odluke, ili da se ne obavlja potpuno ili pravilno,
- zabranjuje obavljanje radova koji se izvode bez odobrenja, odnosno suprotno odredbama ove Odluke,
- zabranjuje upotrebu vodnog objekta, uređaja ili naprava dok se ne uklone nedostaci,
- podnosi zahtjev za pokretanje krivičnog, prekršajnog i drugih postupaka
- preduzima i druge mjere u skladu sa zakonom

Nadležna inspekcija je ovlaštena da donosi pismene i usmene naloge u obliku rješenja i zaključaka za provođenje radnji navedenih u predhodnom stavu.

Član 50.

Komunalna i sanitarna inspekcija, kao i komunalni redari u obavljanju svojih poslova su dužni pridržavati se zakona, ove Odluke i drugih propisa.

Komunalna i sanitarna inspekcija, obavlja poslove nadzora samostalno u ime Općine, postupa i donosi akte u okviru dužnosti i ovlaštenja utvrđenih ovom Odlukom i drugim propisima.

Preduzimanje njera za provođenje Odluke smatra se hitnim i od posebnog je značaja za općinu Živinice.

Član 51.

Komunalni redari pored Zakonom određenih uslova pomaže komunalnom inspektor u sljedećem:

1. obavještava komunalnog inspektora o slučajevima neizvršenja odredaba ove Odluke,
2. pomaže komunalnom inspektor u obavljanju njegovih poslova
3. -zapisnički konstatuje nepravilnosti na terenu i isti dostavlja inspektor na dalje postupanje
4. Pomaže inspektor u postupku izvršenja rješenja
5. da uočava, upozorava, fotografiše prijavljuje nepravilnosti na terenu
6. da po potrebi izlazi na teren sa inspektorom
7. da po potrebi svjedoči na sudu
8. da obavlja i druge poslove koji su mu povjereni

Član 52.

Ako izvršilac prekršaja ne postupi po rješenju nadležne inspekcije, istu radnju (uklanjanje, čišćenje, popravak, zamjenu i sl.), izvršit će nadležna inspekcija putem drugog lica .a o trošku i na rizik izvršioca.

Za neizvršenje pismenog naloga inspektora u obliku rješenja ili zaključka, nadležna inspekcija će sankcionisati prekršaj putem prekršajnog naloga, shodno Zakonu o prekršajima.

Član 53.

Pravna i fizička lica ili mjesna zajednica su dužna nadležnoj inspekciji omogućiti obavljanje nadzora, a posebno pristup do prostorija, objekata, zemljišta, uređaja i naprava, zatim dati lične podatke i druga potrebna obavještenja.

Član 54.

Ako nadležna općinska inspekcija u svom radu naiđe na otpor, zatražit će pomoć od nadležne policijske uprave i drugih nadležnih tijela državne uprave.

Ako nadležni inspektori u svom radu doživi verbalne uvrede od strane lica koje kontroliše ili koje mu onemogućava rad nadležni inspektori (komunalni i sanitarni) će podnijeti prekršajni nalog i prekršajnu prijavu ili zahtjev tužilaštvu za nanesenu mu uvredu.

Član 55.

Protiv rješenja nadležnog inspektora može se izjaviti žalba u roku od 8 dana od dana prijema rješenja.

Žalba izjavljena protiv rješenja iz predhodnog stava podnosi se Komisiji općinskog vijeća, ali ne odlaže izvršenje rješenja.

VI- KAZNENE ODREDBE**Član 56.**

Novčanom kaznom u iznosu od 300 do 3000 konvertibilnih maraka kazniće se za prekršaj pravno lice ili mjesna zajednica, novčanom kaznom u iznosu od 100 do 500 konvertibilnih maraka odgovorno lice u pravnom licu ili mjesnoj zajednici kako slijedi:

1. Ako prilikom izgradnje ili rekonstrukcije vodovodne mreže položi vodovodne cijevi namanjem odstojanju od 50 cm iznad kanalizacione cijevi (član 13.)
2. Ako postupa protivno odredbama člana 6. ove Odluke
3. Ako postupa protivno odredbama člana 10 ove Odluke
4. Ako postupa protivno odredbama člana 10a ove Odluke
5. Ako postupa protivno odredbama člana 14 ove Odluke
6. Ako postupa suprotno odredbama člana 16. ove odluke
7. Ako postupa suprotno odredbama člana 18. ove Odluke
8. Ako postupa suprotno odredbama člana 19 . ove Odluke
9. Ako postupa suprotno odredbama člana 21. ove Odluke
10. Ako postupa suprotno odredbama člana 26. ove odluke
11. Ako postupi suprotno odredbama člana 27. ove Odluke
12. Ako postupa suprotno odredbama člana 29. ove Odluke
13. Ako postupa suprotno odredbama člana 40. ove Odluke
14. Ako postupa suprotno odredbama člana 41. ove odluke
15. Ako izvrši spajanje na priključak ispred vodomjera (član 42.)
16. Ako postupi suprotno odredbama članova 52., 53., i 54., ove Odluke
17. Za prekršaje utvrđene u stavu 1. ovog člana kazniće se i fizičko lice, pojedinac, koji obavlja djelatnost ličnim radom (samostalni privrednik), novčanom kaznom od 300 do 2.000 konvertibilnih maraka.

V- PRELAZNE I ZAVRŠNE ODREDBE**Član 57.**

Pravno lice ili mjesna zajednica kome je povjereno upravljanje vodovodima je dužno u roku od šest mjeseci utvrditi opšte uslove i mjere za obavljanje djelatnosti vodosnadbjevanja iz člana 31.ove Odluke.

Na akt pravnog lica ili mjesne zajednice kome je povjereno upravljanje vodovodima iz predhodnog stava, saglasnost daje Općinsko vijeće.

Član 58.

Investitori,odnosno nosioci prava raspolaganja ili vlasnici poslovnih objekata,dužni su u roku od 6 mjeseci od dana stupanja na snagu ove Odluke po mjesnim zajednicama da ugrade vodomjere u skladu sa tehničkim uslovima koje odredi pravno lice ili mjesna zajednica kome je povjereno upravljanje vodovodima.

Član 59.

Ova Odluka stupa na snagu osmog dana od dana objavljivanja u Službenom glasniku općine Živinice.

Član 60.

Danom stupanja na snagu ove Odluke prestaje da važi Odluka o vodovodu i kanalizaciji u naseljenom mjestu Živinice br.01-02-77 od 20.07.1977.godine.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
-OPĆINSKO VIJEĆE-

PREDSJEDAVAJUĆA
OPĆINSKOG VIJEĆA

Samra Omić Zoletić

Broj: 10-05-2675/15
Datum:13.05.2015.

Bosna i Hercegovina
Federacija Bosne i Hercegovine
Tuzlanski kanton
OPĆINA ŽIVINICE

- Općinsko vijeće -

Broj:10-05-2756-20/2015

Dana,19.05.2015 godine

Na osnovu člana 13. Zakona o principima lokalne samouprave u FBiH („Sl. novine FBiH“, broj: 49/2006) i člana 24. Statuta Općine Živinice („Sl. glasnik općine Živinice“, broj: 4/2012), u predmetu promjene upisa naziva posjednika u katastarskom operatu na zemljištu u posjedništvu Općine Živinice i mjesnih zajednica, na prijedlog Općinskog načelnika, Općinsko vijeće Živinice, na sjednici održanoj dana 19.05.2015 godine, donosi

ODLUKU

o promjeni upisa naziva posjednika u katastarskom operatu
na zemljištu u posjedništvu Općine Živinice

Član 1.

Ovom odlukom vrši se promjena upisa naziva posjednika u katastarskom operatu Službe za geodetske i imovinsko-pravne poslove općine Živinice, tako što će nadležna služba umjesto dosadašnjeg naziva posjednika: "Skupština opštine Živinice", upisati: "Općina/Opština Živinice", i to na parcelama upisanim u posjedovnim listovima i katastarskim općinama, kako slijedi:

- | | |
|---|---|
| - K.O Bašigovci-p.l.br. 200,203.877 i 909 | - K.O. Odorovići-p.l.br. 26 i 411 |
| - K.O.Živinice Gornje-p.l.br. 190 | - K.O. Nevrenča-p-l-br- 70 |
| - K.O.Živinice Donje -p.l.br. 144 | - K.O.Lukavica Gornja-p-l-br- 58 i 60 |
| - K.O. Višća Gornja-p-l-br.68 | - K.O.Lukavica Donja-p-l-br.147,495 i 629 |
| - K.O. Višća Donja-p-l-br.52 i 937 | - K.O.Kuljan-p-l.br. 67 |
| - K.O. Tupkovići-p.l br..857 | - K.O. Kovači-p-l-br. 114,805,1783 i 2212 |
| - K.O. Šerići-p-l-br- 239 | - K.O. Gračanica-p-l-br. 73 |
| - K.O Svojat-p-l-br.16 i 17 | - K.O. Đurđevik-p.l.br. 116 |
| - K.O. Suha-p-l-br. 208 | - K.O.Dubrave Gornje-p.l.br. 445 i 450 |
| - K.O.Spreča-p.l.br. 1059 i 115 | - K.O.Dubrave Donje-p.l.br.1361,187 i 1229 |
| - K.O.Priluk-p.l.br. 974 | - K.O. Živinice grad-p.l.br. 464,461 i 8818 |

2.

Član 2.

Služba za geodetske i imovinsko-pravne poslove općine Živinice, nakon pravosnažnosti odluke, izvršit će upis u skladu sa članom. 1 ove odluke

Član 3.

Ovo odluka objavit će se u „Sl. glasniku općine Živinice“, a ista stupa na snagu danom njenog objavljivanja.

O b r a z l o ž e n j e

Služba za geodetske i imovinsko-pravne poslove općine Živinice, pokrenula je postupak po službenoj dužnosti, radi usklađivanja upisa u katastarskom operatu u pogledu naziva posjednika na parcelama upisanim u posjedovnim listovima i katastarskim općinama. U postupku utvrđivanja činjeničnog stanja i pribavljanja dokaza Služba je izvršila uvid u katastarski operat i utvrdila da su

Skupština opštine Živinice upisane kao posjednici parcela u posjedovnim listovima i katastarskim općinama kao u članu 1. ove odluke.

Izvršen je uvid u Statut općine Živinice i utvrđeno je da je naziv općine: Općina/ Opština Živinice (član 4).

Donošenje ove odluke neophodno je radi evidentiranja promjena u katastarskom operatu u skladu sa odredbama Zakona o premjeru i katastru zemljišta ("Sl. list SRBiH" broj: 14/78,12/87,26/90 i "Sl. list RBiH", broj:4/93 i 13/94).

Članom 13. Zakona o principima lokalne samouprave u FBiH, između ostalog, propisano je da je općinsko vijeće nadležno za donošenje odluka o upravljanju i raspolaganju imovinom jedinice lokalne samouprave, što je propisano i članom 24. Statuta općine Živinice.

Na osnovu odredbi člana 13. Zakona o principima lokalne samouprave u FBiH i člana 24. Statuta Općine Živinice, Općinsko vijeće Živinice donijelo je odluku kao u dispozitivu.

Protiv ove odluke ne može se izjaviti žalba, niti se može pokrenuti upravni spor s obzirom da se radi o aktu raspolaganja Općinskog vijeća.

Voditelj postupka:
Bajro Bešić, dipl pravnik

Dostavljeno:

1. Služba za geod. i imov.-pravne poslove općine Živinice 2x
2. Služba za budžet i finansije općine Živinice
3. Općinsko pravobr. Živinice
4. Općinsko vijeće Živinice
5. Arhivi

Predsjedavajuća
Općinskog vijeća Živinice

Samra Omić-Zoletić

Na osnovu člana 118. Statuta općine Živinice («Sl. glasnik općine Živinice», br. 4/2012), Općinsko vijeće Živinice, na sjednici održanoj dana 12.6.2015. godine, d o n o s i

O D L U K U **O DODJELI OPĆINSKIH PRIZNANJA I NAGRADA**

Član 1.

Za značajan doprinos u razvoju općine Živinice u raznim oblastima društvenog života i rada a u povodu obilježavanja 19.6. – Dana općine Živinice dodjeljuje se:

I – Općinsko priznanje «PISMENA POHVALA»

1. Asim Salihović
2. Admir Trakić
3. Ibrahim Kalajdžić
4. Muhamed Umihanić
5. OŠ „Gračanica“ Gračanica
6. FK „Jablanica“ Barice

II – Općinsko priznanje «PISMENA ZAHVALNICA»

1. Asmir Hasić
2. Posthumno Selimović Semina
3. Šaban Čičkušić
4. UG „Josip Broz Tito“
5. KUD „Epoha“ Suha
6. NK Dubrave Gornje

III – NOVČANA NAGRADA

1. Salkan Fazlić
2. Nesib Nukić
3. Aljo Brčaninović
4. Salko Mujčinović zv. Cuke
5. Almir Šehić

Član 2.

Ova Odluka stupa na snagu danom donošenja a objavit će se u «Službenom glasniku općine Živinice».

Bosna i Hercegovina
Federacija Bosne i Hercegovine
Tuzlanski kanton
Općina Živinice
- **Općinsko vijeće** -
Broj: 10-05-3436/2015
Dana, 12.6.2015. godine

PREDSJEDAVAJUĆA
OPĆINSKOG VIJEĆA

Samra Omić – Zoletić, s.r.

Na osnovu člana 118. Statuta općine Živinice («Sl. glasnik općine Živinice», br. 4/2012) i člana 7. Odluke o spomen plaketi općine Živinice («Sl. glasnik općine Živinice», br. 5/01), Općinsko vijeće Živinice na prijedlog Komisije za priznanja i odlikovanja, na sjednici održanoj dana 12.6.2015. godine, d o n o s i

O D L U K U
O DODJELI OPĆINSKOG PRIZNANJA
«SPOMEN PLAKETA OPĆINE ŽIVINICE»
(ZLATNA, SREBRNA I BRONZANA)

Član 1.

Za naročit doprinos u borbi za slobodu Bosne i Hercegovine, očuvanje demokratije, zaštite osnovnih prava i sloboda čovjeka, razvitka privrede, obrazovanja i odgoja, nauke, umjetnosti, sporta i drugim oblastima života i rada na području općine Živinice, a u povodu obilježavanja 19.6. – Dana općine Živinice, najviše općinsko priznanje «Spomen plaketa općine Živinice (zlatna, srebrna i bronzana)» dodjeljuju se:

I – Spomen plaketa općine Živinice – bronzana

1. Paprikić Mirsad
2. NK „Omladinac“ Đurđevik
3. Bajrić Rifat
4. Župa „Sveta Ana“
5. Gradski mješoviti hor Živinice

II – Spomen plaketa općine Živinice – srebrna

1. „VEGA-MIX“ Živinice
2. Fehim Taletović
3. Posthumno Đogić Derviš
4. Fahir Spahić
5. GTA „Vrtagić“

III – Spomen plaketa općine Živinice – zlatna

1. Časurović (Omer) Ibro
2. Organizacija RVI općine Živinice
3. Halid Mahmutbegović
4. Ejub Čokić
5. Milo Iljkić

Član 2.

Ova Odluka stupa na snagu danom donošenja a objavit će se u «Službenom glasniku općine Živinice».

Bosna i Hercegovina
Federacija Bosne i Hercegovine
Tuzlanski kanton
Općina Živinice
- Općinsko vijeće -
Broj: 10-05-3437/2015
Dana, 12.6.2015. godine

PREDSJEDAVAJUĆA
OPĆINSKOG VIJEĆA ŽIVINICE

Samra Omić – Zoletić,s.r.

Na osnovu člana 118. Statuta općine Živinice («Sl. glasnik općine Živinice», br. 4/2012), a u vezi sa članom 3. Odluke o počasnom građaninu općine Živinice («Sl. glasnik općine Živinice», br. 5/01), Općinsko vijeće Živinice na sjednici održanoj dana 12.6.2015, d o n o s i

O D L U K U

O proglašavanju dobitnika priznanja «POČASNI GRAĐANIN OPĆINE ŽIVINICE»

Član 1.

U povodu obilježavanja Dana Općine, Općinsko vijeće donosi Odluku o proglašavanju dobitnika priznanja «Počasni građanin općine Živinice»

1. mr.sci. Enver Bijedić
2. Bakir Izetbegović

Član 2.

Odluka stupa na snagu danom donošenja a objavit će se u «Službenom glasniku općine Živinice».

Bosna i Hercegovina
Federacija Bosne i Hercegovine
Tuzlanski kanton
Općina Živinice
- Općinsko vijeće -
Broj: 10-05-3438/2015
Dana, 12.6.2015. godine

**PREDSJEDAVAJUĆA
OPĆINSKOG VIJEĆA**

Samra Omić – Zoletić,s.r.

Na osnovu člana 38. Statuta općine Živinice ("Službeni glasnik općine Živinice" broj:4/12 od 10.04.2012), Budžeta općine Živinice za 2015.godinu ("Službeni glasnik općine Živinice" broj: 5/15 od 01.04.2015.godine), Općinsko vijeće Živinice na svojoj sjednici održanoj dana, 17.06.2015.godine, donosi

ODLUKU

O davanju saglasnosti Općinskom načelniku u vezi konačne realizacije projekata sufinansiranja ("građani-općina") po principu M:M

I

DAJE se saglasnost Općinskom načelniku za konačnu realizaciju projekata-programa "sufinansiranja po principu M:M", za koje su provedene i okončane procedure u skladu sa Zakonom o javnim nabavkama.

II

Razlika u cijeni za radove i usluge koja je nastala "zbog poremećaja cijena radova i usluga na tržištu", koja je utvrđena u postupku javnog nadmetanja između ponuđača a koja iznosi **56.335,82 KM**, će biti finansirana iz Budžeta općine Živinice u 2015.godini.

III

Općinski načelnik će odmah obaviti potpisivanju "Ugovora o izvođenju radova" sa izvođačima radova čije su ponude najpovoljnije prilikom javnog nadmetanja, a sve u skladu sa Zakonom o javnim nabavkama.

IV

Obavezuje se Služba za budžet i finansije općine Živinice, da Budžetsku poziciju "Podrška za investicione aktivnosti u MZ-a po principu M:M (50 % općina i 50 % građani)", Ekonomski kod 613 724, finansijski putem rebalansa Budžeta općine Živinice za 2015.godinu uveća za iznos iz tačke II, a koji se odnosi na učešće općine za navedene projekte.

V

Odluka stupa na snagu danom donošenja, a ista će biti objavljena u Službenom glasniku općine Živinice.

OBRAZLOŽENJE

Predmet donošenja ovakve odluke su projekti-programi koje su kandidovali građani u 2013.godini, po principu sufinansiranja M:M (za projekte infrastrukture iz oblasti asfaltiranja puteva, izgradnje ulične-javne rasvjete i vodovodne i kanalizacione mreže). Obzirom da su građani dugo čekali implementaciju ovih projekata-programa, Općinsko vijeće Živinice je u Budžetu općine Živinice za 2015.godinu planiralo budžetsku poziciju "Podrška za investicione aktivnosti u MZ-a po principu M:M (50 % općina i 50 % građani)" Ekonomski kod 613 724, u iznosu od 592.000,00 KM.

Obzirom da su ovi projekti-programi kandidovani još u 2013.godini a isti treba da se implementiraju tokom 2015.godine, zbog dugog vremenskog perioda od kandidovanja pa do danas realno je bilo da će doći do poremećaja cijena roba, radova i usluga na tržištu, tako da je iz tog razloga nastupilo povećanje cijena za ove infrastrukturne projekte. Razlika koja je nastala u cijeni radova što je utvrđeno provođenjem procedura javnih nabavki, je za oblast asfaltiranja

puteva 52.749,47 KM, za oblast izgradnje ulične-javne rasvjete 3.586,35 KM, dok za projekte vodovodne i kanalizacione mreže nije bilo razlike u cijeni.

Iz gore navedenog se vidi da je ukupna razlika u cijeni za ove projekte 56.335,82KM, tj. utvrđeno ukupno povećanje cijena roba, radova i usluga na tržištu naspram procjenjenih projektnih i predračunskih vrijednosti koje su imale Službe općine prilikom pokretanja i provođenja procedura javnih nabavki.

Iz svega navedenog, opravdanih razloga posebno zbog činjenice da su ovo projekti građana koji dugo čekaju implementaciju istih, predlaže se Općinskom vijeću da prihvati ovu odluku kako je ponuđena u prijedlogu.

Z/Z-S/Č

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE ŽIVINICE
Broj:10-05-3397-9/2015
Dana,17.06.2015.godine

PREDSJEDAVAJUĆA
OPĆINSKOG VIJEĆA

Samra Omić-Zoletić

Na osnovu člana 13. Zakona o principima lokalne samouprave („Službene novine FBiH”, br. 49/06), člana 24. Statuta općine Živinice („Službeni glasnik općine Živinice”, br. 4/12), Općinsko vijeće Živinice na prijedlog Upravnog odbora JU „Centar za socijalni rad” Živinice, na sjednici održanoj 17.6.2015. godine, daje

S A G L A S N O S T

NA ODLUKU O PRODUŽENJU MANDATA V.D. DIREKTORA JU „CENTAR ZA SOCIJALNI RAD” ŽIVINICE, BROJ XIII-01-05-2-732-2015

I

Aljić Šemsiji, dipl. pravnik iz Živinica produžava se mandat na dužnosti V.D. direktora JU „Centar za socijalni rad” Živinice na period do imenovanja direktora, a najduže 6 mjeseci.

II

Imenovanoj se produžava mandat počev od isteka postojećeg mandata, tačnije od 02.07.2015. godine.

Prava i obaveze V.D. direktora JU „Centar za socijalni rad” Živinice ostaju ista u skladu sa ranijim Odlukama o imenovanju V.D. direktora i dopune Odluke o imenovanju V.D. direktora.

III

Saglasnost objaviti u „Službenom glasniku općine Živinice”.

Bosna i Hercegovina
Federacija Bosne i Hercegovine
Tuzlanski kanton
Općina Živinice
- Općinsko vijeće -

**PREDSJEDAVAJUĆA
OPĆINSKOG VIJEĆA**

Samra Omić - Zoletić

Broj: 10-05-3397-5/2015
Dana, 17.6.2015. godine



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-3397-1/2015

Dana, 12.6.2015. godine

Na osnovu člana 24. i 118. Statuta općine Živinice („Sl. glasnik općine Živinice”, br. 4/12), člana 133. i 134. Poslovnika o radu Općinskog vijeća Živinice („Službeni glasnik općine Živinice”, br. 13/12), Općinsko vijeće Živinice na Vanrednoj sjednici održanoj dana 12.6.2015. godine, u povodu tačke dnevnog reda - Informacija o aktuelnoj problematici na Gradskoj pijaci u Živinicama, donosi sljedeće

ZAKLJUČKE

I

1. Da Kantonalna uprava za inspeksijske poslove obustavi sve aktivnosti iz svoje nadležnosti na Gradskoj pijaci u Živinicama do očitovanja Kantonalne Skupštine i Federalnog Parlamenta o izmjenama i dopunama Zakona koji regulišu ovu oblast.
2. Daje se puna podrška pijačnim prodavačima u nastojanjima za opstankom njihove egzistencije radom na pijaci.
3. Tražimo od Skupštine i Vlade Tuzlanskog kantona da donese Odluku o obustavljanju aktivnosti Kantonalne uprave za inspekcije poslove na Gradskoj pijaci do konačnog i trajnog uređivanja ove oblasti poslovanja uređenih izmjenama i dopunama Zakona na nivou Tuzlanskog kantona i F BiH.
4. Tražimo od Kantonalne uprave za inspeksijske poslove više socijalne odgovornosti i osjetljivosti kada je u pitanju rad pijačnih trgovaca i da prestanu selektivno raditi kada je u pitanju rad pijaca na području TK i isti tretman za sve pijace i pijačne radnike.
5. Tražimo od Federalne uprave za inspeksijske poslove da provjeri rad Kantonalne uprave za inspeksijske poslove zbog selektivnog djelovanja na Gradskoj pijaci u Živinicama, te da preispitaju zakonitost rada na ostalim pijacama u Tuzlanskom kantonu.

II

Zaključke objaviti u „Službenom glasniku općine Živinice”.

**PREDSJEDAVAJUĆA
OPĆINSKOG VIJEĆA**

Samra Omić - Zoletić



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-3397-2/2015

Dana, 15.6.2015. godine

Na osnovu člana 24. i 118. Statuta općine Živinice (“Sl. glasnik općine Živinice”, br. 4/12), člana 133. i 134. Poslovnika o radu Općinskog vijeća Živinice („Službeni glasnik općine Živinice”, br. 13/12), Općinsko vijeće Živinice na Vanrednoj sjednici održanoj dana 12.6.2015. godine, u povodu tačke dnevnog reda - Informacija o aktuelnoj problematici na Gradskoj pijaci u Živinicama, donosi sljedeći

ZAKLJUČAK

I

- da se za prvu narednu sjednicu Općinskog vijeća Živinice dostavi informacija ko je i na koji način u ime Općine Živinice poništio društvenu svojinu na Gradskoj pijaci u Živinicama u korist privatnih lica.

II

Zaključak objaviti u „Službenom glasniku općine Živinice”.

**PREDSJEDAVAJUĆA
OPĆINSKOG VIJEĆA**

Samra Omić - Zoletić



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-3397-4/2015

Dana, 17.6.2015. godine

Na osnovu člana 24. i 118. Statuta općine Živinice (“Sl. glasnik općine Živinice”, br. 4/12), Općinsko vijeće Živinice na 24. redovnoj sjednici održanoj dana 17.6.2015. godine, u povodu tačke dnevnog reda – Nacrt Odluke o usvajanju izmjena i dopuna Regulacionog plana „Riba” Živinice – uže urbano područje, donosi sljedeće

ZAKLJUČKE

I

1. Usvaja se Nacrt Odluke o usvajanju izmjena i dopuna Regulacionog plana „Riba” Živinice – uže urbano područje, uz sljedeće zaključke:

- da nadležna općinska služba dostavi sve informacije u vezi zasebno razmatranih Urbanističkih projekata po zahtjevima „Aden”, „Media-sky”, „Bašćaršija” i hotel „Konjuh”;
- uvažiti sve primjedbe i sugestije vijećnika koji nisu u suprotnosti sa zakonskom regulativom a o kojima se Vijeće do sada nije izjašnjavalo;
- da se postojeći nelegalno izgrađeni objekti koji su u koliziji sa planiranim infrastrukturnim objektima i sistemima ne planiraju za izgradnju;
- sagledati mogućnost izgradnje objekta po zahtjevu Općinskog odbora SDA Živinice;
- na glavnim gradskim saobraćajnicama planirati uključno - isključne trake na najopterećenijim raskrsnicama uz posebnu napomenu za raskrsnicu „finale”. Za magistralne ceste obaviti neophodne konsultacije sa Direkcijom za ceste F BiH;
- analizirati mogućnost dvosmjernog saobraćaja oko Prve osnovne škole;
- izbrisati planirane poslovne objekte na lokaciji Gradske pijace u Živinicama.

II

Zaključke objaviti u „Službenom glasniku općine Živinice”.

**PREDSJEDAVAJUĆA
OPĆINSKOG VIJEĆA**

Samra Omić - Zoletić



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-3397-5/2015

Dana, 18.6.2015. godine

Na osnovu člana 24. i 118. Statuta općine Živinice (“Sl. glasnik općine Živinice”, br. 4/12), Općinsko vijeće Živinice na 24. redovnoj sjednici održanoj dana 17.6.2015. godine, u povodu tačke dnevnog reda – Nacrt Odluke o provođenju izmjena i dopuna Regulacionog plana „Riba”, donosi sljedeći

Z A K L J U Č A K

I

1. Usvaja se Nacrt Odluke o provođenju izmjena i dopuna Regulacionog plana „Riba” .

II

Zaključak objaviti u „Službenom glasniku općine Živinice”.

**PREDSJEDAVAJUĆA
OPĆINSKOG VIJEĆA**

Samra Omić - Zoletić



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-3397-6/2015

Dana, 18.6.2015. godine

Na osnovu člana 24. i 118. Statuta općine Živinice (“Sl. glasnik općine Živinice”, br. 4/12), Općinsko vijeće Živinice na 24. redovnoj sjednici održanoj dana 17.6.2015. godine, u povodu tačke dnevnog reda – Nacrt Odluke o donošenju izmjena i dopuna Regulacionog plana „Jezero II” Živinice, donosi sljedeći

ZAKLJUČAK

I

1. Usvaja se Nacrt Odluke o donošenju izmjena i dopuna Regulacionog plana „Jezero II” Živinice.

II

Zaključak objaviti u „Službenom glasniku općine Živinice”.

**PREDSJEDAVAJUĆA
OPĆINSKOG VIJEĆA**

Samra Omić - Zoletić



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-3397-7/2015

Dana, 18.6.2015. godine

Na osnovu člana 24. i 118. Statuta općine Živinice (“Sl. glasnik općine Živinice”, br. 4/12), Općinsko vijeće Živinice na 24. redovnoj sjednici održanoj dana 17.6.2015. godine, u povodu tačke dnevnog reda – Nacrt Odluke o provođenju izmjena i dopuna Regulacionog plana „Jezero II” Živinice, donosi sljedeći

ZAKLJUČAK

I

1. Usvaja se Nacrt Odluke o provođenju izmjena i dopuna Regulacionog plana „Jezero II” Živinice.

II

Zaključak objaviti u „Službenom glasniku općine Živinice”.

**PREDSJEDAVAJUĆA
OPĆINSKOG VIJEĆA**

Samra Omić - Zoletić

**„Službeni glasnik Općine Živinice“
broj: 9/2015**

SADRŽAJ

I - AKTI OPĆINSKOG VIJEĆA ŽIVINICE

1. Odluka o izgradnji, zaštiti, održavanju i upravljanju mjesnim vodovodima, javnim bunarima i javnim česmama.....1
2. Odluka o promjeni upisa naziva posjednika u katastarskom operatu na zemljištu u posjedništvu općine Živinice.....13
3. Odluka o dodjeli općinskih priznanja i nagrada.....15
4. Odluka o dodjeli općinskog priznanja „Spomen plaketa općine Živinice“ (zlatna, srebrna i bronzana).....16
5. Odluka o proglašavanju dobitnika priznanja „Počasni građanin općine Živinice“.....17
6. Odluka o davanju saglasnosti Općinskom načelniku u vezi konačne realizacije projekata sufinansiranja („građani-općina“) po principu M:M.....18
7. Saglasnost na Odluku o produženju mandata v.d. direktora JU „Centar za socijalni rad“ Živinice.....20
8. Zaključci sa Vanredne sjednice Općinskog vijeća Živinice od 12.5.2015. godine – Informacija o aktuелnoj problematici na gradskoj pijaci u Živinicama.....21
9. Zaključak sa Vanredne sjednice Općinskog vijeća Živinice od 12.5.2015. godine – Informacija o aktuелnoj problematici na gradskoj pijaci u Živinicama.....22
10. Zaključci – Nacrt Odluke o usvajanju izmjena i dopuna Regulacionog plana „Riba“ Živinice – uže urbano područje.....23
11. Zaključak – Nacrt Odluke o provođenju izmjena i dopuna Regulacionog plana „Riba“ Živinice – uže urbano područje.....24
12. Zaključak – Nacrt Odluke o donošenju izmjena i dopuna Regulacionog plana „Jezero II“ Živinice25
13. Zaključak – Nacrt Odluke o provođenju izmjena i dopuna Regulacionog plana „Jezero II“ Živinice.....26

«Službeni glasnik Općine Živinice» uređuje: Stručna Služba općinskog vijeća Živinice
Odgovorni urednik i lektori: Suad Avdagić, Nermina Mahmutbegović i Mersiha Zahirović
Tehnička priprema i štampa: Služba za opću upravu i društvene djelatnosti
Kontakt informacije: 035/743-394, ovijece@opcinazivinice.org
